

14.08.2025

UKA2025/140

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Ingerlatsiviit Namminersorlutik Oqartussanit pigineqartut Grønlands Erhverv-imit ilaasortaajunnaartinneqarnissaannut Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Pele Broberg, Naleraq)

Tunngavilersuut:

Tamatta ataatsimut Ingerlatsiviit inuiaqatigiittut pigisagut arlallit, namminersorlutik inuussutissarsiortut soqutigisaqatigiittut kattuffiannut "Grønlands Erhverv"-imut akiliisarlutik ilaasortaapput

Tamanna Naleraq tunuliaqutaralugu Inatsisartunut ilaasortat § 37 apeqqusiaannut¹ Naalakkersuisut akissuteqaatiminni nassuerutigaa.

Uagut Naleqqamiit tupigusuutigingaatsiarparput inuiaqatigiittut tamattaalluta ingerlatsiviit pigisagut, Naalakkersuisut aqutigalugu pigineqartut, namminersorlutik inuussutissarsiortut soqutigisaqatigiit kattuffianni "Grønlands Erhverv"-imi akiliisarlutik ilaasortaasut. Inuiaqatigiit namminersorlutillu inuussutissarsiuteqarniartut soqutigisaannut kalluaappoq.

Aalajangiiffissatut siunnersuutip siunertaraa ingerlatsiviit inuiaqatigiinnit pigineqartut tamavimmik, ilanngullugit "Air Greenland A/S", "Tusass A/S", "Sikuki Nuuk Harbour A/S", "Greenland Airports – Mittarfeqarfiit A/S", "Great Greenland A/S", "Nalik Ventures A/S", "Visit Greenland A/S", "NunaGreen A/S" allallu, "Grønlands Erhverv"-imit Naalakkersuisunit ilaasortaajunnaarsinneqarnissaannik peqquneqassasut.

Takinerunngilaq.

Ingerlatsiviit inuiaqatigiinnit ataatsimoorussamik pigineqartut allatut anguniagalinnik akilersuillutik ilaasortaanissaat pissutissaqanngilluaasapoq.

Pisortanut aningaasatigut allaffissornikkullu kingunerisassat

¹ § 37 apeqqutitut akissuteqaatit nr. 2025-84, 83, 82, 81, 80, 79, 78, 76

Pisortaqarfiit ukiumut 2 mio. kr. miss. tungaanut sipaarneqarnissaat naatsorsuutigineqarsinnaavoq²

Namminersorluni inuussutissarsiuteqarnermut aningaasatigut allaffissornikkullu kingunerisassat

Namminersorluni inuussutissarsiuteqarnermut soqutigisaqaqatigiittut kattuffii Naalakkersuisut immikkoortortaqarfiisa ilaasortaajunnaarneranni annikinnerusumik isertitaqartussanngussapput, ukiumut minnerpaamik kr. 20.000.

Innuttaasunut aningaasatigut allaffissornikkullu kingunerisassat

Inuiaqatigiit pigisaat innuttaasunit pigineqartut ukiumut 2 mio. kr. miss. tungaanut sipaarneqarnissaat naatsorsuutigineqarsinnaavoq, tamassumalu saniatigut toqqaannanngitsumik akinik appaasinnaanermut kinguneqaratarsinnaallutik.

² Besvarelse af § 37 spørgsmål. nr. 2025-84, 83, 82, 81, 80, 79, 78, 76